

# Vinnuvélatrygging

Staðlað upplýsingarblað um trygging



SKILMÁLI E-37

Upplýsingaskjal þetta tilgreinir einungis helstu atriði tryggingarinnar, s.s. hvað er innifalið og hvað ekki. **Ekki** er um að ræða tæmandi upptalningu né persónulegt yfirlit yfir tryggingar sem viðskiptavinir velja. Upplýsingaskjalíð hefur ekki lagalega þýðingu og gegnir eingöngu þeim tilgangi að upplýsa viðskiptavinum um helstu þætti tryggingarinnar. Tryggingayfirlit og nákvæmar upplýsingar um samningsskilmála sem gilda eru aðgengilegar á **tryggingarskirteini** tryggingarinnar sem hægt er að nálgast á *Mínun síðum Varðar*. **Skilmálar** tryggingarinnar hafa að geyma tæmandi upplýsingar um tryggingarverndina og eru hluti af samningi aðila ásamt skirteini.

## Hvernig trygging er vinnuvélatrygging?

Vinnuvélatrygging er samsett af einni eða fleiri af eftirfarandi tryggingum:

- **Kaskótrygging vinnuvéla:** bætir skemmdir á vinnuvél sem tilgreind er á skirteini.
- **Ábyrgðartrygging:** tekur til skaðabótaábyrgðar utan samninga, sem fellur á vátryggðan sem eiganda tilgreindar vinnuvélar og myndast við notkun hennar.
- **Ábyrgðartrygging við akstur:** tekur til skaðabótaábyrgðar utan samninga, sem fellur á vátryggðan sem eiganda tilgreindrar vinnuvélar og myndast við notkun vinnuvélar sem ökutækis.
- **Brunatrygging:** bætir skemmdir vegna bruna á vinnuvél sem tilgreind er á skirteini.



## Hvað bætir tryggingin?

### Kaskótrygging vinnuvéla

- ✓ Tryggingin bætir tjón á tryggðri vinnuvél af völdum skyndilegra og óvæntra, utanaðkomandi atvika sem ekki eru sérstaklega undanskilin eða takmörkuð í skilmála þessum.

### Að auki bætir trygging tjón á tryggðri vinnuvél vegna:

- ✓ Eldsvoða
- ✓ Þjófnaðar og skemmdarverka
- ✓ Ofsaveðurs
- ✓ Aur- eða vatnsflóða, skriðufalla, snjóflóða, verkfallsaðgerða eða upppota.

### Ábyrgðartrygging

- ✓ Tryggingin tekur til skaðabótaábyrgðar utan samninga, sem fellur á tryggðan vegna slysa á mönnum eða skemmda á munum, vegna notkunar vinnuvélar þeirrar sem getið er í skirteini.

### Ábyrgðartrygging við akstur

- ✓ Tryggingin tekur til skaðabótaábyrgðar utan samninga, sem fellur á tryggðan vegna slysa á mönnum eða skemmda á munum, vegna notkunar vinnuvélar sem ökutækis.

### Brunatrygging

- ✓ Tryggingin bætir tjón á vinnuvélinni vegna eldsvoða, eldingar eða sprengingar sem stafar af eldsvoða.



## Hvað bætir tryggingin ekki?

### Kaskótrygging vinnuvéla

- ✗ Tjón á lakk, málningu eða ytra byrði á vinnuvél sem rýra ekki notagildi, jafnvel þótt ábyrgð framleiðanda falli niður við ákomu. Hér er t.d. átt við rispur, beyglur, höggsár, sveigju eða núningsmerki.
- ✗ Þjófnað á einstökum hlutum vinnuvélar, t.d. stjórntækjum og hæðarmælum.
- ✗ Skemmdir eða tjón sem verða af sliti eða ófullnægjandi viðhaldi, fúa, tæringu, málmþreytu eða sambærilegum orsökum.
- ✗ Tjón sem verður vegna foks á sandi, mól eða öðrum jarðefnum.
- ✗ Tjón vegna sjávarfalla.
- ✗ Tjón sem eiga sér stað utan Íslands, eða í flutningi til eða frá landi.
- ✗ Tjón af völdum vélarbilunar, framleiðslu- eða hönnunargalla, mistök við uppsetningu, rangri samsetningu eða annarri bilun í eða á vinnuvélinni.
- ✗ Tjón sem aðeins varða hjól, hjólbarða, reimar, skriðbelti, keðjur, lyftu- eða færíbönd, fjaðrir, rafgeymi og gler (annað en rúður).
- ✗ Tjón á strokkum, kæli, raf- og vélarbúnaði eða öðrum hlutum vinnuvélar sem stafa af því að kælivatnið eða annað vökvakerfi frýs eða ofhitnar.
- ✗ Tjón eða skemmdir sem eru á ábyrgð framleiðenda eða seljanda samkvæmt lögum eða samningum.

## Ábyrgðartrygging

- ✗ Skaðabótaskyld tjónsatvik vegna notkunar vinnuvélar sem ökutækis í almennri umferð.
- ✗ Skemmdir eða glötun muna sem tryggður eða stjórnandi á einn eða með öðrum.
- ✗ Viðtækari ábyrgð en venjuleg skaðabótaskylda utan samninga.
- ✗ Tjón á munum sem tryggður hefur að láni, á leigu, til geymslu, sölu eða flutnings eða eru af öðrum ástæðum í hans vörslu. Þar á meðal munir sem tryggður hefur tekið í heimildarleysi.
- ✗ Tjón sem hlýst af því að söluvara berst viðtakanda ekki eða ekki í tæki tíð.
- ✗ Tjón sem starfsábyrgðartrygging tekur til, hvort sem hún er fyrir hendi eða ekki.
- ✗ Tjón af völdum kjarnorku eða geislavirkra efna.
- ✗ Beint og óbeint tjón af völdum asbest (asbestos) eða efnis sem inniheldur að einhverju leyti asbest.
- ✗ Mengunartjón nema rekja megi það til eins skyndilegs og óvænts atburðar sem ekki var unninn af ásetningi eða stórkostlegu gáleysi.
- ✗ Tjón við jarðgangagerð og námuvinnslu.
- ✗ Tjón við áfyllingu flugeldsneytis.
- ✗ Tjón vegna notkunar vinnuvélar á flugvöllum og flugbrautum.

## Ábyrgðartrygging við akstur

- ✗ Tryggingin bætir ekki tjón sem eru undanskilin í Ábyrgðartryggingu, en undanskilur ekki skaðabótaskyld tjónsatvik vegna notkunar vinnuvélar sem ökutækis í almennri umferð.

## Brunatrygging

- ✗ Trygging bætir ekki tjón nema eldur sé laus. Það telst ekki eldsvoði þegar hlutir sviðna eða bráðna ef eldur er ekki laus



## Eru einhverjar takmarkanir eða varúðarreglur?

- ! Stjórnandi vinnuvélar skal við notkun við sjó, ár og vötn gæta sérstakrar varúðar að undirstöður undir vinnuvél séu tryggar og ekki sé hætt á að þær gefi sig undan þyngd vinnuvélar, eða hún renni til eða hrapí.
- ! Áður en hafinn er gröftur í jörðu, borvinna eða sögun í húsum eða utanhúss, skulu tryggður og starfsmenn hans kynna sér legu á leiðslum, strengjum og öðrum lögnum, þar sem framkvæmdir eru fyrirhugaðar.
- ! Áður en vinnuvél er flutt og hafin er vinna á svæði skulu tryggðir og starfsmenn tryggja að burður sé nægur að þyngd vinnuvélar valdi ekki tjóni. Sérstakrar varúðar skal gætt þegar farið er með vinnuvél um vegi, brýr eða á mannvirki.



## Hvar gildir tryggingin?

Tryggingin gildir aðeins á þeim stað sem tilgreindur er á tryggingarskirteini.



## Hverjar eru helstu skyldur þess tryggða?

- Veita allar nauðsynlegar upplýsingar, hvort sem er við endurnýjun eða breytingar á tryggingunni eða við tjonstilkynningu.
- Þegar tjon hefur orðið, eða þau atvik verða sem valdið geta tjóni, er tryggðum skylt að tilkynna Verði það án tafar, auk þess sem hann skal tilkynna það lögreglunni ef um ólöglegt athæfi er að ræða.



## Hvenær og hvernig er greitt fyrir trygginguna?

Iðgjöld tryggingarinnar ber að greiða á gjalddaga. Við endurnýjun hækkar ársiðgjaldið í samræmi við breytingu á visitölu frá grunnvisitölu samnings. Vörður sendir kröfur mánaðarlega í heimabanka eða árlega ef óskað er eftir því að greiða iðgjöld í einu lagi. Hægt er að breyta greiðslumáta á Mínum síðum Varðar. Þar er einnig hægt að velja að greiða iðgjöld með kreditkorti.



## Hvenær hefst tryggingarverndin og hvernig lýkur henni?

Tryggingarsamningar gilda almennt í 12 mánuði frá samþykkt tilboðs og útgáfu tryggingar og miðast iðgjöld við ársiðgjald. Sé tryggingu ekki sagt upp á því tímabili framlengist hún sjálfkrafa.



## Hvernig er tryggingunni sagt upp?

Hægt er að segja tryggingunni upp hvenær sem er á tryggingartímabilinu.